

<p>SENARAI PEMBERITAHUAN PRODUK – INSURANS MOTOR (Sila baca Senarai Pemberitahuan Produk ini sebelum anda membuat keputusan untuk mendapatkan <u>Perlindungan Motor Pihak Ketiga, Kebakaran dan Kecurian</u>. Pastikan juga anda membaca terma-terma am dan syarat-syarat yang terdapat di dalam polisi).</p>	<p>Rujukan kami : 01/01/2010 Nama penawar khidmat kewangan: Uni.Asia General Insurance Bhd.</p> <p>Nama produk: Perlindungan Motor Pihak Ketiga, Kebakaran dan Kecurian</p> <p>Tarikh:</p>
---	---

1. Apakah yang dimaksudkan dengan produk ini?

Polisi ini menawarkan perlindungan insurans terhadap kerosakan sendiri akibat kebakaran ke atas kenderaan anda sahaja atau kecurian kenderaan anda dan liabiliti ke atas pihak ketiga untuk kecederaan atau kematian dan kerosakan terhadap harta pihak ketiga.

2. Apakah perlindungan/manfaat yang ditawarkan?

Polisi ini menawarkan perlindungan seperti di bawah:

- a) Kerugian atau kerosakan ke atas kenderaan sendiri akibat kebakaran, letupan, kilat, pecah-masuk, pecah rumah atau kecurian;
- b) Kematian dan kecederaan anggota badan terhadap pihak Ketiga; dan
- c) Kerosakan atau kerugian harta benda pihak Ketiga.

Manfaat-manfaat opsyenal yang lain yang boleh didapati dengan membayar premium tambahan:

- Perlindungan liabiliti penumpang (LLP).

Jangkamasa perlindungan adalah selama satu tahun. Anda perlu memperbaharui pelan insurans setiap tahun.

3. Berapakah jumlah premium yang perlu dibayar?

Jumlah premium yang perlu dibayar boleh berubah bergantung kepada kelayakan NCD serta syarat-syarat pengunderaitan syarikat kami. Sebagai contoh:

- (a) Kereta Persendirian : Premium asas adalah 75% dari premium Komprehensif
- Perlindungan Asas : Bayaran premium untuk jumlah yang diinsuranskan sebanyak RM50,000 (1.6cc) ialah RM1,144.13
- Kelayakan NCD : 55%

Anggaran jumlah premium yang perlu dibayar ialah RM524.86.

Nota : Jumlah Diinsuranskan RM10,000 sehingga had maksimum RM20,000.

4. Apakah yuran atau bayaran yang perlu dibayar?

Yuran atau bayaran yang perlu dibayar adalah:

Jenis	Jumlah
Komisen yang dibayar kepada agen insurans	10% daripada jumlah premium
Duti setem	RM10.00
Cukai Perkhidmatan	6% daripada jumlah premium, jika kenderaan didaftarkan atas nama syarikat

5. Apakah terma-terma serta syarat-syarat utama yang perlu diberi perhatian?

Sebahagian terma-terma serta syarat-syarat utama yang perlu diberi perhatian adalah:

- a) **Tanggungjawab untuk memberitahu** – Anda perlu memberitahu semua fakta berkenaan keadaan fizikal kenderaan seperti sejarah kemalangan serta modifikasi ke atas keupayaan enjin.
- b) **Klausa Purata** diguna pakai jika kenderaan yang diinsuranskan pada jumlah kurang daripada nilai pasaran melebihi 10% pada masa kerugian. Oleh yang demikian, adalah penting anda memastikan kenderaan anda diinsuranskan pada jumlah yang betul untuk mengelakkan daripada terkurang atau terlebih nilai yang diinsuranskan.

6. Apakah pengecualian utama di bawah polisi ini?

Polisi ini tidak memberi perlindungan ke atas beberapa kerugian, seperti:

- a) Kerugian atau kerosakan ke atas kenderaan anda sendiri;
- b) Kematian atau kecederaan ke atas anda disebabkan oleh kemalangan kenderaan;
- c) Liabiliti anda terhadap tuntutan daripada penumpang di dalam kenderaan anda;

- d) Kerugian, kerosakan atau liabiliti akibat daripada keadaan semulajadi, contohnya banjir, ribut atau tanah runtuh; dan
- e) Segala kerugian turutan, susut nilai, haus dan lusuh, karat dan kakisan, kegagalan/kerosakan mekanikal atau elektrik atau elektronik.

(Nota: Senarai ini adalah tidak lengkap. Sila rujuk kepada polisi untuk mendapatkan senarai penuh pengecualian bagi polisi ini).

7. Bolehkah saya membatalkan polisi saya?

Anda boleh membatalkan polisi anda bila-bila masa dengan memberikan notis bertulis kepada syarikat kami. Setelah pembatalan dilakukan, anda layak menerima bayaran balik premium (dengan syarat tiada tuntutan insurans dibuat di bawah polisi ini) berdasarkan kadar jangka pendek, walau bagaimanapun sebarang bayaran premium minima yang dibayar bagi polisi tersebut tidak akan menerima pembayaran balik.

8. Apakah yang perlu saya lakukan sekiranya terdapat perubahan pada maklumat saya?

Adalah penting untuk anda memberitahu pihak kami sebarang perubahan pada maklumat anda. Ini adalah untuk memastikan semua dokumen penting yang berkaitan dapat diterima mengikut masa yang ditetapkan.

9. Apa yang perlu anda tahu apabila membuat tuntutan?

- a) Buat laporan polis dalam masa 24 jam.
- b) Maklumkan kepada kami secara bertulis dengan memberi butiran lengkap dalam masa 3 hari selepas kejadian yang mungkin menjadi subjek sesuatu tuntutan di bawah polisi ini.

10. Dimanakah saya boleh dapatkan maklumat lanjut?

Sekiranya anda memerlukan maklumat lanjut, sila rujuk kepada naskhah *insuranceinfo* berkenaan 'Insurans Motor', yang boleh didapati di semua pejabat cawangan kami. Selain daripada itu, anda juga boleh mendapatkan salinan naskhah tersebut daripada agen insurans atau layari laman web *insuranceinfo* di www.insuranceinfo.com.my.

Untuk sebarang pertanyaan, sila hubungi,
Uni.Asia General Insurance Berhad
Tingkat 9, Menara Uni.Asia,
1008, Jalan Sultan Ismail,
50250 Kuala Lumpur.
Talian Bebas Tol: 1-800-888-990
Tel : 03-2693 8111
Faks: 03-2693 0111
www.uniasiageneral.com.my

NOTA PENTING:

ANDA MESTI MEMASTIKAN BAHAWA KENDERAAN ANDA TELAH DIINSURANSKAN DENGAN KADAR YANG BERSESUAIAN MEMANDANGKAN IA AKAN MENJEJASKAN JUMLAH YANG BOLEH DITUNTUT OLEH ANDA. ANDA DINASIHATKAN MEMBACA SERTA MEMAHAMI POLISI INSURANS DAN BERBINCANG DENGAN AGEN ATAU MENGHUBUNGI SYARIKAT INSURANS SECARA TERUS UNTUK MENDAPATKAN MAKLUMAT LANJUT.

Maklumat yang diberikan di dalam Senarai Pemberitahuan ini adalah sah bermula April 2010.